

Saksarie rao:enna.

Ne nonwa, twatatekenson,
 Atsitwasennaien ne Roiatatokenton
 Kento tsi kanataien
 Raonha sonkwatsterist,
 Sonkwaiatanonstatha
 Ronwasennaien Saksarie
 Tetewariwak nonwa. [2]

Saksarie tsinabe tsi ronnhewe
 Rawennii raoriwa
 Tiotkon ratsteristakwe
 Nok kariwii sonha :
 Enskat ok ratsaniakwe
 Ne kariwaksenskwa :
 Ronwasennaien Saksarie
 Tetewariwak nonwa. [2]

Taetsitwanonweraton
 Rawennii tsi tionnbe
 Akwa ne sonkwentenrom
 Ensonkwatsteristake
 Ne roiatatokenton
 Akwa sonkwonoronkwa.
 Ronwasennaien Saksarie
 Tetewariwak nonwa. [2]

Akwa kati tetewatkenni
 Tsiwanoronkwaniom
 Ne roiatatokenti
 Saksarie twatatekenson :
 Aetsitwanakeren
 Tsiini hoteweienton
 Saksarie tsiwasennaien
 Aetwawennakwekon. [2]

*Aotirennia iotiatatokenti iahte iotina-
kwaienterhaon.*

Ise Iesos iesaienha
 Niahte kanakwaienteri,
 Karonhiakwe shesieriti
 Iahte iakonakwaienterhaon.

Ise sonhaa tsiatiio,
 Saiatanehrakwat kowa,
 Ionehrakwat tsi shenonwes
 Sonhaa iesanoronkwakwe.

Ise teiesennitiohkwaon
 Niahte ienakwaienteri,
 Tiotkon iesanonteratie
 Teiesariwakwasehatie.

Kwennititase, Sewennii,
 Takwenten tosa nonwenton
 Aionkwariwajentake
 Ioteriwatehat nahoten.

Ahonwasennaien Niiio,
 Roniha nok ne Roienha,
 Rotkon Roiatatokenti,
 Satatsitewasennaien.

*Aotirennia iotiatatokenti iotina-
konne.*

Taetewarensaronnion
 Iotiatatokenti nonwa
 Awentawen, karonhiakwe
 Ieiawenonton ken wente.

Raonhaa rononwehon ne Niiio,
 Iahte iotaskatstenni,
 Ne ioianereson nonwentsiake
 Akwekon iokenhronnion.

Ioronhiakenton kaiaronke,
 Tetsioriwaserakwaton,
 Ionontenskwe naotonnhetston
 Tsi waterennaienskwa.

O Iesos! shesatstenserawis
 Akoiatatokenti okonha,
 Asiena tsi ionkwatennaiennie
 Nene nonwa awentawen.

Ahonwasennaien Niiio
 Roniha nok ne Roienha,
 Rotkon Roiatatokenti
 Satatsitewasennaien.

Rotonni aorennia sonha.

I.

O ise swakwekon,
 Swariwiioston. wasontate nonwa
 Niiio Roienha onkwe rotonhon
 Tesewariwak areria.

Karonhiakwekon karonhiakeronon
 Nok nonwentsakwekon ronatsen-
 nonni,
 Onwentsiakonronon teiotonharenron
 Tsi ronakeraton Niiio onkwe roton-
 hon.

Ii twakwekon ionkwariwiioston,
 Wasontate nonwa Niiio Roienha
 Onkwe rotonhon, Wari ioteweton.
 Tetewariwak areria.

Tosa sewahteronsek skennen sewen-
 nonnion
 Niiio onkwe rotonhon, ronakeraton,
 Hetsisewentenrane, onen sewatse-
 nonni,
 Iesos wahatonni, sonkwaskontakobe.

Swaiataterihon, ise ne tsionkwe,
 Si ronakeraton hetsiswarharenion-
 kwe,
 Wasontate nonwa wasontanoron
 Niiio Roienha Wari roteweton.

Entsiswaiatatsenri tsi iotinonsote
 Katsenen okon, ronahriskontie,
 Oniataara sonha ronwawenonniaton
 Ronwasennaiens n'Onwari nok Sose